

皇清文穎續編

皇清文穎續編卷首二十八

高宗純皇帝聖製詩

七言律詩

讀諸葛武侯傳

盡瘁終身翊赤符豈虞一木不勝扶隴中已走生司
馬地下何慙鬼董狐南北未忘先主志桓文不道仲
尼徒錦官城外森森柏丞相祠堂尙有無

上都懷古

山縈水抱勢寬遼烟堵荆闥跡未銷金椀潼香春正
灑玉盤冰碎暑全消殿璣不見天魔舞岡藥猶思詐
馬朝日暮粉榆喧鳥散寒蟾弄影自飄蕭

赤城

赤城宮闕委榛葭天半雲嵐學起霞控轡追隨銅豹
署懸鈴替戾紫駝車虛無香殿飄丹篆想像粧樓落
粉華金甕葡萄歌勅勒至今成譜入清笳

土木堡

在懷來縣西北木名統漠鎮唐初置後
訛爲土木明永樂初置堡正統末車駕

駭此北狩堡遂
毀嘉靖時重築

繆尋遐跡剩荒城魚魯誰知統漠名寇相難希作孤
注沛公差可喻分羹一時莫禦天驕逞千古無憂野
卉榮詎有閒情憑弔昔存亡畢竟孰凡荆

明史綱目書成有述

并序

明史綱目之書不可不亟成之而又不敢率就
之蓋明史已出於百年以後綱目若復遲待咎
將誰誘而取裁義例校閱諸臣一一請示旣以

身任其事則不得徒博欽定名目已也將天下
後世之公論於是乎在書成既親序以冠簡端
復爲此詩以見意并識有明三百年興亡之概
焉

直道惟憑信史留斯民三代理無偷學探司馬治平
要書慕文公體例優亦曰此心無子奪敢云我志在
春秋編摩端識權衡在魚魯何妨付校讐

蛇分星聚瑞符覃崛起原從皇覺庵燕國帝車遙指

北金陵王氣遂昌南一時開創經猷集弈世風聲節
義談若論

興王自東土比湯慙德更無慙

金川門外血波橫大義奚稱旦輔成難諱齊黃疎計
畧尙憐氣節在公卿緇衣不辨真兮僞斗粟從來弟
與兄獨笑吉安胡侍講一豬不忍太癡情

慢言此輩弱而愚甫節魚童何代無不少英明偏授
柄端因威福遂專樞善窺更自依房闥妙術惟應導

宴娛屋社當年緣底事厲階屢擊自宮徒

持盈保泰信惟難往復平陂理轉環拜疏省僚羣自
去垂衣宮禁尙耽閒蝸蟾三案紛轆轤門戶東林激
變患獨有思陵殉宗社故宜矜惜動

龍顏

賞罰當時猶貴信況於萬世信無刊

二語本方孝孺史論意

從

來舊史傳三述亦越新編切五難義利纖毫毋或爽
勸懲一字必期安試觀三百年間事已意會無愛惡

于

我

皇祖時曾集大小臣工於瀛臺宴賞甚盛典也茲因
西成豐稔百物蕃昌於八月二十八日賜宴
公卿庶僚於瀛臺以昭繼繩宣豫之意得詩
四首并示諸臣其欲賡韻者聽

趨陂鵝侶接鳴珂
霽宇空澄氣色和
共喜向筵開早
菊多緣紀歲得嘉禾
柏梁臺畔騰牋集
仙萼亭邊載

筆過緬想

虞廷傳盛事，颺言何以繼。廣歌

鏡中樓閣五雲稠，皎日揚輝素景浮。湛露詩成天酒

下，蓼蕭樂作徵招流。曲江早獻千秋鑑，梁國還登太

液舟。三世方明陪御賞。

大學士張廷玉之父曾侍
皇祖西苑宴賞，今與其子

若靄共陪此會亦盛事也從教佳話冠螭頭。

璇霄猶覩曉蟾娟，濟濟冠裳擁慶煙。丹粟香中陳桂
醕，玉山頽處酌瓊筵。崇牙徐聽鈞天奏，高閣遙聞畫

漏傳此日含毫多沈宋昆明漫數景龍年

龍葱雞樹翠華留相悅君臣共唱酬
鎬上宴開惟卜
畫樓前醑賜正登秋在陰鳴鶴方靡爵樂藻遊魚不
避鈎試問彬彬玉堂客瀛臺然否卽瀛洲

御園初春卽事

燈事將闌月漸弓文窗點筆向東風
池心幾許春冰
脆簾角一番晴照融凍柳欲迴消去綠
温花難駐幻
來紅每因代謝叅生滅畢竟循環無始終

竹塢雲軒路逕斜
芸鑪茗椀各清嘉
侵尋書課消繁慮
次第閒情樂歲華
啁樹春禽彈舌綺
友松古鶴泯心葩
中庭步履知消息
嫩綠綠階已作芽

結習詩吟未盡刪
搜題月下更花間
也知是道誠何益
且喜流光往復還
帶雪高峯明碧落
向陽新水響潺湲
邇來底覺相應處
憂喜頻經鬧後閒

趙北口卽景

紅橋長短接溪川
溪上人家不泊田
半笠滄波三月

雨一隄楊柳兩湖烟
孳將鷺鴨無官稅
捕得魚鰕足酒錢
今日飽叅漁者樂
鳴榔春水綠浮船

燕南趙北舊曾聞
歷覽真逢意所欣
蒼雪溪山吳苑畫
瀟湘烟雨楚天雲
漁歌隔浦驚鷗陣
客舍開窗數雁羣
方喜湖光滌塵壒
何來詩思與平分

子貢手植楷

駐蹕亭前有嘉植
亭亭特立學高賢
一株爲想千雲霧
數劫那隨變海田
遠勝移根從異國
曾依築室更

三年檜師楷弟何相似又見孫枝長藥邊

奉

皇太后登岱麓

十八盤前候

大安天門雙闕倚欄干

萬年王母會仙母此日和鸞接彩鸞雲看吐吞成幄
幔輦教扶掖度嶺岷南山獻壽無須比寶算崇齊泰
嶽端

上巳日曉行卽景

風勢徐停夜雪闌鳴鞭驛路破春寒
清流幾道循環渡素色千峯迤邐看
潤浹土膏微益麥漲生峽口細增湍
蓋藏頗有村墟靜畧得愁心到此寬

十里平蕪綠意齊蒼茫墟市霽烟低
風光上巳眞佳矣春色三分已判兮
稚子絲牽雲鷓鴣村孃盤貨水刀圭
郊行卽景堪成賞何必香山憶舊題

蕊珠院

暢春苑湖中傑閣數楹上摩清颯下瞰澄波

皇祖題之曰蕊珠院朕奉

皇太后駐蹕是苑每問安視膳於此信乎清都之境

不老之庭也因成長律敬勒壁間

鏡裏岑樓號蕊珠網軒四面遠山圖

堯年寶露猶霑樹

王母香華每降廚地是上清無暑境庭名不老列仙
都六星又見朝南極鸞鶴紛隨瑞靄扶

九月五日詣暢春園恭請

皇太后聖安卽視事於觀瀾榭引見於大西門其地
長樓橫亘卽

皇祖曩時閱射處也爰親御弧矢集近侍諸臣較射
時惟深秋風高日晶氣候清肅弓手相調連
發二十矢中一十有九儒臣侍列與觀者援
唐臣元武闕觀射故事賦詩進覽因用侍郎
齊召南韻成四律紀之

暢春松柏茂南山

王母樓臺瑞靄間侵曉間

安欽養志競辰考政敢偷閒惟寅宗伯應輪直啟事

山公更合班

是日禮部值班奏事
吏部亦帶領引見

次第指揮還有暇

便教玉靶一親彎

延樓橫嶺正相當遙見扶空樹葉黃

示儉已看霏細草縱禽底用獻長楊論文誰繼伯僑

庶較藝原多斛律光安不忘危古有戒金川況未靖

天狼

憶年十二此呼嵩

聖眷靈承衆不同每向月輪能中鵠遂蒙

天笑亦頒弓

子侍蒙

皇祖於此閱射時年甫十二皇祖指授射法輒能發矢命中

仰荷

嘉獎

倏忽廿餘年矣玉墀肅列猶鴛鴦匡衛紛趨如虎熊

我遜貞觀能致治且循習射教臣工

秋原馭娑一鳴鞭遠入烟隄近柳前橫過綠殘紅重
嶺俯看雲白菊黃天幙頭導中誠堪笑連網周隄未

是田歷覽西成堪額慶敢忘兢業詡豐年

大學士張廷玉年幾八袞猶日趨朝念其敬慎
夙著特加優禮命五日一入內廷備顧問如
宋文彥博故事更成是什以勸有位

職曰天職位天位君臣同是任勞人休哉元老勤宣
久允矣予心體恤頻潞國十朝事堪例汾陽廿四考
非倫勗茲百爾應知勸莫羨東門祖道輪

大學士傅恒經畧四川效忠宣力誅渠魁破堅

壘申明紀律大振軍威番酋窮蹙乞命經畧
大學士銳意蕩平未允其請朕宏解網之仁
下詔班師召大學士還朝襄贊勞績茂著詩
以賜之

安邊底績本丹忠請命番酋勢已窮上將有心期利
執大君無物不包蒙那須一月聞三捷早覺千忻達
兩宮晉國勤勞予廑念速歸黃閣贊元功

歐鳥何庸盡覆巢好生天地德含包歌成宵雅八章

句著得同人九四爻兵洗蓬婆春淡蕩首稽獫狁面
顛顛蜀民安撫勤籌畫心契元良泰陸交

經畧大學士忠勇公傅恒率師進勦番酋忠誠
奮發志期殄寇執奏再三朕揆勢度理以允
降班師休兵息民爲經國遠計彼匈奴未滅
何以家爲者乃票姚貳師輩武人銳往立功
之概大學士輔弼元臣抒誠贊化名耀旂常
正不必與兜鍪鬪師爭汗馬一日之績詩以

示之

三面姑開格蜀夷來調說鼎佇期之集思廣益卿誠
踐勤遠勞民我不爲武豈佳兵應戒彼績惟和衆孰
同斯功成萬骨枯何益壯志無須效貳師

二月十四日經畧大學士忠勇公傅恒奏報金
川番酋莎羅奔狼卡攜其徒醜相率隨提督
岳鍾琪以二月初五日親詣軍門築壇納款
匍匐稽顙永矢歸誠經畧大學士升帳受降

開誠撫諭遠近番漢官兵觀者數萬衆靡不
歡呼忭舞膚功克奏邊境收寧露布驛聞喜
而有作

止戈爲武信其然我澤如春經畧宣共喜捷音來玉
闕何殊俘虜自金川番酋路左心傾服軍士行間氣
倍鮮單騎汾陽休比擬都因忠赤格

穹天

孟夏下浣之七日

皇太后賜膳於暢春園之集鳳軒是地近大西門去
歲習射於此發矢二十中十九因用齊召南
韻成詩四首勒於壁間茲以侍

膳視事之暇陳馬技以娛

慈顏親發十矢復中九且破其的者三焉

聖母豫悅仙苑增春輒疊舊韻以誌歲月

萱齡長此祝如山鏡面軒齋圖畫間樂對清陰蒲節
近欣陪

色笑鳳樓閒，勸餐敬進仙廚膳。視事旋催朝士班，馬
技更陳新雨後。遙峯澄景黛蛾彎。

封事籌裁懼弗當，無私兢業奉

元黃。蒐材常冀空羣駿，較武均期中葉楊。每切祈年
咨穡務，豈惟問景賞。烟光賢臣集事窮，番服烽息今
休戍白狼。

心殷

愛日奉維嵩，涼室溫闈地不同。喜向

座前親捧爵更看樓外競彎弓高岡萋奉將儀鳳閒
館蝸蛸陋射熊

家法儀型魏蕩近此勤民政亮

天工

窄地楊絲拂玉鞭蘭舟遙待葦洲前試調馴馬雲中
錦便泛澄波鏡裏天疊賦新詩酬勝會喜緣甘雨遍
公田惕乾未敢忘初志多故猶然憶去年

曉行二首

背指雲莊碧巘標，輕寒微遞素秋朝。
兩山抱谷行十里，一水縈流渡廿橋。
常喜村墟聞犬吠，不教父老訝雞翹。
精藍猶在翠微裏，只許鐘聲林外飄。

漩瀆迴環白石磷，蒼蒼露芷更烟蘋。
源頭自是新過雨，渡口旋看暴漲津。
通野望中全入畫，問程行處那生塵。
所欣高下豐收定，纔得茅簷鮮歎貧。

敬題壽萱堂

於山莊建屋一區爲

皇太后臨幸憩息之所名之曰壽萱堂而題以詩

名山結構儼名園宜備堂闡奉

清溫塞上有松教傍鶴山中無草不成萱所欣佳景
供

慈豫奚用雕甍更綺軒勝處文言難擬議仲長樂志
已曾論

大學士勤宣伯張廷玉屢以年至乞休慰留未
允近見其齒躋大耋精力視前較減優旨子

告俟開春冰泮登舟賜詩三章以示眷注

早懷高義慕懸車異數優留爲弼子近覺筇鳩艱步
履得教琴鶴返林間銀毫無奈吟輕別赤芾還看賦
遂初擬問蘭陵二疏傳可曾廿四考中書

兩朝綸閣謹無過況復芸窗藉琢磨此日蘭舟歸意
定一時翰苑悵思多善娛鄉黨銷閒晝穩趁帆風送
去波南國詩人應面晤

謂沈德潛

爲詢食履近如何

坐論朝夕久勤宣間別何能獨惘然同事當年今幾

在得輿碩果又言旋江湖卿樂真饒後廊廟吾憂詎
忘先指日翠華臨幸處歡顏前席問農田

書福詩

歲暮書福以賜廷臣謹遵

皇考成例亞禧斂福之義於是爲昭每欲成詩以不
得佳句而止茲當清暇復此迎年揮翰之餘拈
鬚有作亦不復計工拙云

近始藩屏逮百僚臨軒書福慶恩昭九疇箕子疇書

演一筆王家筆陣超嘉與紅箋迎介祉相扶綵勝煥
元朝不徒弄翰欽敷錫

家法繩承仰

聖堯

豐澤園宴準噶爾夷使

光春嘉宴液池頭廣幕高張愷澤流小部魚龍陳角
觥遠方玉帛建渠搜薄來厚往遵經訓戢武安邊表
大猷瑞雪應時晴更好午暎意似爲人留

草色

一帶褰腰幕地青扶輿春色已形形向陽遠入烟光
薄傍渚平分水黛冷誰道文章屬桃李幾多生意看
軒轅所欣在彼不在此早見來牟綠滿町

唐縣覽古

坡陁十里度逡巡覽古偏遲行路人於二典中欽往

聖縣有帝堯
帝舜廟

況三代上卽斯民青窳不買中山酒綠

柳全呈漉水春豈有新奇傳治法年豐無事漸還醇

丙寅秋西巡時唐縣老民劉永壽年百有一歲
曾賜之金與食并成長句今一百五歲矣翼
鑠猶昔扶杖來迎旣欣人瑞輒以命篇

高年一歲度如旬百五春秋豈易臻重見期頤迎蹕
路幾書亥字與時人自云老矣今扶杖我道仙乎爲
駐輪翼鑠精神教孫子力田孝弟作良民

閱本

黃閣封章驕馳不因巡幸懈疇咨四方暘雨隨時

較萬姓安危切已思亦曰欽哉貫謨典允惟難矣作
君師兢兢無敢渝初志勤政常承

冢法貽

瓊廬

十笏差強四季宜程途日易向無移琴齋瀟洒何殊
爾布帳單寒却念之蓮綴玉蟲批諾罷蘭垂金穗覓
題遲謾言宮室輸苞茂大禹應還較此卑

題旌忠祠

府治西祀
明楊繼盛

捐軀不爲逆龍鱗兩疏千言萬古新直使權臣陰喪
膽何妨烈士顯忘身降神獨萃扶輿氣懷古重過滌
水春居節丹青藏寶笈

內府藏居節所畫小
像入石渠寶笈上等

鬚眉宛

是箇中人

獵

青郊小隊試春蒐弓燥由來趁手柔拂柳乍教輕騎
過射獐宛憶少年遊五旗不易都隨指三網嫌多漫
槩收講武詰戎自

家法還應孳育閔虔劉

題耶律楚材墓

有序

墓在甕山好山園之東昔年營園時以其逼近
園門故培土爲山其上以藏之聞其爲楚材之
墓久矣使閱時而湮滅無傳豈所以褒賢勸忠
之道哉因命所司仍其封域之制并爲之建祠
三間使有奠饋申酌之地并命汪由敦爲碑記
而題之詩如左

曜質潛靈總幻觀所嘉忠赤一心殫無和幸免稱真
漢有墓還同封比于窀穸卽仍非改卜堂基未沒爲
重完摛文表德輝貞石臣則千秋定不刊

經金山題句

有序

玉泉山北舊傳金山者明景帝陵在焉明樓寶
城之制全無圍牆碑亭已頽廢不全自圓明園
幸香山每經過之惻然興感因命所司畧爲修
葺禁樵採并成是作

尺布淮南自古傷
南宮西內兩相當
奉迎業未符興
慶割裂差惟勝
靖康公主墳園隣
薄厝椽人壙穴詡
深藏十三陵尙輪
華侈何況相仇璧
闥牆

致仕侍郎沈德潛具摺請安并錄進詩文稿賦
此賜之

興居封事寄南雲
快讀新詩益慰欣
起我七言還借
爾嘉卿一念不忘君
黃山雲海觀何壯
綠野林泉咏
更芬爲語餘年勤
愛護來春吳會共
論文

雲林石室

詰屈蘭椒路轉通到來石室碧雲叢秋山留得夏山
綠柿葉先於楓葉紅千朶峯蓮入蔥蒨四垂天蓋倚
崆峒鐫崖謁詠昨秋句依舊時光默會中

半天樓

高處爲樓號半天田盤萬槩覽都全設無奇句堪酬
景但是凡人便合仙東指滄溟呼皓月北臨紫蓋鬱
蒼烟落來花雨渾無著卉歛罡風掃四禪

曉遊天成寺

仄蹊曉露濕叢蘭秋半金風了不寒石抱土生奇樹
瘦徑穿雲出小天寬暗泉聲是東陽樂翠柏舞爲瑤
鳥鸞不羨仙都結遐想每來初地愜清歡

衆春園

建置何分李昭亮與韓琦名園輪奐喜重看盆中雪浪

水之變齋外霜華氣已寒畢竟千秋有公論且教一
响適清歡前年圖取人何在四句金剛如是觀

詠蘇軾雪浪石

白石盆中浮雪浪
髯翁遺跡入評吟
頗誇南北八州牧
豈惜清華二翰林
早是奎星獨稱古
不然山骨詎羶今
如坡不乏遭沈滯
鑑取人明惕我心

光武帝祠

漢鄡縣今在趙州柏鄉之間

蛙聲紫色不堪論
澗髓高文累葉恩
千古中興帝首出
秋風斜日廟仍存
手提三尺知兵要
身致太平究治源
望漢臺今何處是
村氏伏臘自羔豚

宋璟祠

驛路秋風度古襄叢祠遙見柏塋旁生平事業期房
杜身後調和恨李楊三代斯民由直道千秋名相示
周行魯公響揚碑重讀氣味相投要在剛

恭題磁州

御射亭

皇祖西巡迴蹕射柳於此爾時大吏建亭紀績景仰
德威益凜繼述

射柳名亭氣象雄千秋

聖日照臨中肯教貞觀專前美真令由基拜下風安
不忘危四時狩所其無逸萬方同孜孜繩

武心恒篤未敢亭前一引弓

經岳武穆祠

翠柏紅垣見葆祠羔豚命祭復過之兩言臣則師千
古百戰兵威震一時道濟長城誰自壞臨安一木幸
猶支故鄉俎豆夫何恨恨是金牌太促期

恭瞻

皇史宬

五代神謨秘典垂

崇宸扁鑰壯鴻規蘭臺令史無慚筆綸閣元臣有職

司

內閣所掌

百世聰聽欽

寶訓萬年永茂衍宗枝

玉牒並藏於此

瑤函金匱前朝制殷

鑒兢兢念在茲

維揚覽古

清晨解纜發秦郵，落照維揚駐御舟。
岡有槍旗宛是蜀山纜，培塿亦稱浮建牙。
鎮靜猶傳謝通守，文章更紀歐寂寞。
隋堤烟柳在秋宵，誰見亂螢流。

宴準噶爾夷使

渠搜入貢值巡方，後隊隨行許覲光。
麾去招來遵我約，毳裘帕額適其常。
三巡湛露申歡豫，二月東風正豔陽。
深戒誇奢纏錦樹，盈寧畧足示來王。

題德壽宮梅石碑

臨安半壁苟支撐遺迹披尋感慨生
梅石尙能傳德壽茗華又見說藍英

宋時茗梅久萎藍英畫梅鑄於石

一拳雨後猶

餘潤老幹春來不再榮
五國風沙埋二帝議和嬉樂獨何情

過明故宮

六朝崇構早摧殘
基剩明宮烟草寒
木鳳已聞翔北闕
石鯨無恙枕春瀾
胡寬巧思真重覩
鄒緝忠言信不刊

諫成祖遷都者

周監在殷殷
監夏凜然動
念慘然看

題太平箭

金陵太平門其左扇一箭飲羽又餘箭痕者二
爲順治年間取江寧時澹臺都統所射駐防人
不忍湮其跡故常整葺存之經過謁覽輒成近
體

人心天命向清時江表安能一木支況復處堂仍燕
樂豈能怒臂拒雄師鷹揚三箭皆飲羽烏合千軍盡
倒旗應勝天山樹邊績英名長共石城垂

先皇后親蠶圖成命弄藏蠶館並誌以詩

農桑並重以身先創舉崇祠薦吉蠲秋葉哀蟬驚一
旦春風浴繭罷三年宛看盆手成新卷益覺椎心憶
舊絃柘館蕭條液池上分明過眼閱雲烟

寒瓜

野店寒瓜可當蔬村民生計覽吟餘芻棚茅舍紛懸
處細雨涼風欲熟初體會遙思栗烝在荒唐漫說棗
還如烹蒸雅合山家供肉食休誇丙穴魚

獵

豐草長林獸所都時平習武試三驅林霜始降鷹嫌
葉野露猶霑馬惜蕪豈必虞人竭陂澤未能君子遠
庖廚日斜頒獲惟城外惠逮惟均洽衆娛

觀近稿偶題

年來微覺賦詩多卽景還頻選字哦業就無妨姑且
置再繙或已忘如何鯨魚碧海非吾事華日卿雲慕
古歌只有勤民心可驗時時憂樂寄書禾

題居節畫楊繼盛小像

有生孰不惜華年生死還應義以權
遐想皋夔千載上豈辭龍比一身捐
鬚眉正色真無忝史策芳名歷久傳
西市從容吟四句丹心浩氣至今懸

題漢玉斧珮

方折凝精旭采暹辟邪恒協吉祥占
隋珠和璧難爲寶殷鉞周刀義取廉
修月應歸仙幙枕含章猶見漢靈炎
可貞因憶從王事特達如斯詎久潛

謁金太祖睿陵

開國金源肇自東一時攀附會雲風丕承肆伐追遼
帝善任知人類沛公史策鴻猷傳赫弈睿陵佳氣闕
龍蔥建康前歲猶親奠況復龍興渤海同

過金世宗陵留句

牧擾樵侵不忍言重瞻宰樹鬱陵園事殷不襲三分
跡稱姪何殊一統尊君德已臻小堯舜國風每溯舊
根源愛民勤政心無斃景仰高山志所存

恭奉

皇太后啟蹕幸避暑山莊之作

有序

溯豐鎬發祥之地靈萃萬年憶椒蕪躬薦之秋

星周一紀載瞻

祖烈祇謁

丹邱爰諏口至之上旬適度天中之令節敬扶

安輦暫駐山莊時則準噶爾部策凌策凌烏巴什等

率衆來歸迎鑾肆覲用卽卷阿之勝境錫茲湛

露之鴻儀迨夫候屆金韉迺復時巡東國禮因
事舉詩以日增啟蹕初程命篇伊始

追遠柔遐慶典覃天中卜吉啟行驂東巡五載茲惟

倍

前以乾隆癸亥至盛京閱今十年餘矣

西極四夷彼剩三

準夷四部日準噶爾

曰都爾伯特曰和碩特曰輝特策凌等則都爾伯特部也

計里方欣日正永清塵

喜值雨露甘山莊避暑今年信

家法欽承敢卽耽

宴都爾伯特親王策凌郡王策凌烏巴什等於

萬樹園詩以紀事

萬樹參天煥曙霞
穹廬酒醴樂柔遐
薰風五月偏含
爽湛露三巡共拜嘉

天與人歸寧可拒
茅分爵錫自應加
徵招應律歡情洽
試聽編鐘設虞牙

渠搜何必鎮天驕
來賀傾誠不憚遙
外廐馬爲中廐
獻新賓人併舊賓
邀鑲錫自可隨方俗
冠服同教式
本朝避暑匪今厯
惠遠千秋

家法仰

仁堯

恭侍

皇太后觀荷

五湖香錦夏風吹長日承

歡此處宜已喜自天無暑氣可知隨地有西池當前
頓覺忘關塞開後何須較疾遲蓮葉蓮花不如藕愛
他延

壽縷絲絲

準噶爾輝特部台吉阿睦爾撒納歸誠信至詩

以識事

惠逮條枝宴賚陪烏孫又報挈羣來敢云德化俾苗
格信是

天恩致宇恢重賞崇封吾豈靳推心置腹彼何猜山
莊計日應重到

深意當年萬載培

蒙古土風雜詠十二首 有序

甲戌東巡由熱河出中關卽入喀爾沁境經敖漢柰曼土默忒科爾沁諸部匝月迺至吉林所見塞外土風多有可紀隨事命題各疏小序得七言律詩十二首亦周爰諷度之義也

乳箒

以皮爲之平底豐下而稍銳其上捋乳盛之於取攜爲便

形似罍餅製以皮渾侖不慮漏卮遺牛羊幸過春艱
後婦子羣欣夏耜時何必雲漿需玉斧也憐龍種繼
金羈本來原是其中物彼此胡然判轉移

荒田

農作非蒙古本業今承平日久所至多依山爲
田旣播種則四出游牧射獵秋獲乃歸耘耨之
術皆所不講俗云靠天田

本是射生游牧地卽今漸亦重農田耨耘未識各勤

力豐歉惟云總賴天出逐草泉長夏裏歸臨銓艾九
秋前耕而鹵莽報鹵莽塞穡觀餘始信然

鄂博

蒙古不建祠廟山川神示著靈應者壘石象山
冢懸帛以致禱報賽則植木爲表謂之鄂博過
者無敢犯

路口山頭壘石礚心常依處地常神雨查達復晴查

達

凡祈雨祈晴皆在此蒙古謂之查達

土偶人啖木偶人引馬折旋噴

莫犯從禽屢獲福還申春秋報賽雖荒畧依約猶存
土鼓陶

革囊

以革爲之用代筐筥罍盎食用鉅細無所不納
行汲或以貯水涉川則挾之肘間亂流以濟或
謂之皮餽飽蓋俗呼也

紉革爲囊號庫奴

出蒙古語

精麓器用此中俱豈須錦緣

去聲還絲綰無過茶鏞及飯孟詩句清新記耶律辯言

詼謔幸侏儒經緡四十二章過乍可因之悟幻軀

柴車

取材於山不加刻斲輪轅畧具以牛駕之行則
鴉軋有聲如小舟欸乃

斲木椎輪雖太質服牛引重利偏多似機鴉軋纔鳴
室疑櫓伊吾旋渡河自是驅馳輸駿馬未教負載讓
明駝沿岡銜尾徐徐進可號山中鼓吹過

骨占

炙羊肩骨視其兆以覘吉凶猶古龜卜

爛頭爛胃蹴蔬羊取骨爲占以火揚額祝便因看墨
拆心虔率可定災祥古方畧異太人卜紛議非關待
詔郎不用何妨識其事至平易裏至奇藏

馬竿

生駒未就羈勒放逸不可致以長竿繫繩糜致
之蒙古最熟其技

八尺長竿繫以繩提攜最制馬奔騰轡銜詭去無端

逸駒駢牽來有獨能詎祇空羣誇伯樂恰如把釣遇
嚴陵龍媒莫怨生羈絡不爾安從駿驥稱

兒版

兒生在襁褓中令臥版上韋束其兩臂倚氈廬
壁間啼則搖之徙居則懸之馳裝之後

毳幕生兒亦可憐背眠木版革提肩倒紉縱免身狼
籍卓立因成足鶻拳氈屨便爲衣去聲裳具乳酥卽是

洗盆錢移居那慮風霜冒襁褓呱呱馳上懸

灰簡

木削兩簡編韋聯之稍剝其中塗油而布以灰
作字畢則拭去而更布之有古漆簡之風

約束從來祇語言右行文字肇興元旣成旋拭新書
便剝木塗油古質存漬竹揮非蒼頡字編韋絕豈仲
尼門分明汗簡遺風在儒士徒觀不解論

竹筆

蒙古產毫穎而未得縛筆之法削竹木漬墨作

書

削竹成尖漬墨揮殊塗漆簡却同歸儘饒毛穎誰封
管却似蒙恬未合圍荒畧粗分今與昨魯魚孰辨是
耶非穹廬筆策赤書就

國語筆帖式卽蒙古語筆策
赤謂能書文字者驛傳每用

之郵遞還從馬上飛

口琴

製如鐵鉗貫鐵絲其中銜齒牙間以指撥絲成
聲宛轉頓挫有箏琶韻

絃皮手撥管蘆吹口上彈琴乃鐵爲宛合宮商憑兩
葉亦堪攬醪祇單絲高山流水分明在鳳尾龍唇非
所知綽爾濟歌天魔舞毳廬馬捫醉閑氏

轉經

蒙古奉佛惟謹木輪中貫鐵樞可轉動集梵經
於輪間大者支木架以手推之小者持而搖之
旋轉如風謂一轉功德與持誦一過等

印成十二部真文轉法輪稱佛所欣孰半字還孰滿

字卽熏聞已卽成聞隨風旋轉揚黃教

蒙古謂喇嘛
爲黃教見必

膜拜度世娑婆遍塞垠如此翻經誠甚易釋迦何用雪

山勤

皇清文親續編卷首二十九

高宗純皇帝聖製詩

七言律詩

賜吉林將軍及官員兵丁宴

黃幔青山皜日晴
沛豐歡宴浹羣情
恩頒軍士皆鳧藻
席預嘉賓適鹿鳴
邛喜多人能舊舞
翻嫌小部鎮新聲
本來此地無租賦
底用當筵纈減征

輝發故城懷古

有序

昔輝發貝勒拜音達里持兩端於我朝及葉赫
之間屢背姻盟因山築城凡三層以自固我

太祖一舉而平之至今經其城仰

神威之如昨勵慎守於無疆

天教草昧起

英雄開創艱難自大東剗削蓬蒿基景運驅馳險阻
立

豐功渝盟徒恃營三窟不戰惟勞舉一戎荒堵秋風

懷

昔日欽承統緒稟予衷

吉林土風雜詠十二首

有序

吉林在盛京東北我朝發祥所自舊俗流傳有
先民遺風焉甲戌東巡駐蹕連日江城山郭廬
旅語言想見岐邠式廓之始咨詢土風拈二字
成語者爲題得近體十有二首聊紀一二云爾

威呼

剡巨木爲舟平舷圓底脣銳尾脩大者容五六
人小者二三人剡木兩頭爲槳一人持之左右
運棹捷若飛行

取諸渙卦合義經舴艋平量此更輕剡木爲舟剡木
楫林中攜往水中行飽帆空待吹風力柔櫓還嫌劃
水聲泥馬賒枯尤捷便恰如騎鯉遇琴生

呼蘭

因木之中空者剡使直達截成孤柱樹簷外引

炕烟出之上覆荆筐而虛其旁竅以出烟雨雪
不能入比室皆然

中通外直求材易暮爨晨炊利用均曲突徙薪誠上
策焦頭爛額更何人疎烟土銜烹蒸便夜雨荆筐蓋
覆頻却有千年遼海鶴驀疑華表話前身

法喇

似車無輪似榻無足覆席如龕引繩如御利行
冰雪中俗呼扒犁以其底平似犁蓋土人爲漢

語耳

架木施箱質莫過致遙引重利人多冰天自喜行行
坦雪嶺何愁嶽嶽峩駁馬飛騰難試滑老牛緩步未
妨蹉華軒誠有輪轅飾人弗庸時奈若何

斐闌

弧矢之利童而習之小兒以榆柳爲弓曰斐闌
剡荆蒿爲矢翦雉翟翎爲羽曰鉅勒

榆柳彎弓弦屢絲剡荆作箭雉翎翮壯行幼學率由

舊蓬矢桑弧匪襲爲揖讓豈知爭君子闔扃惟覺慣
童兒曾聞肅慎稱遙貢可惜周人未解施

賽斐

古人食皆以匕羹則以勺國俗舊用木匕長四
寸許曲柄豐末猶古制也

質古惟稱以木爲曲長且橢進餐宜鼎中底用輕染
指座裏應教笑朶頤無下奢哉嗤彼箸有捩便矣藉
茲匙青泥坊底芹香處杜老居然得句時

額林

皮橫板楣棟間以貯匱篋餅甕諸器具兼几案

匱匱之用

皮楣橫版當中厨家計精麤箇裏俱鼠鬧欲投還忌
器爵飛同量不妨觚竈間那識薪爲蠟几上常看皮
是烏淳樸遺規恭儉德風聲擬使遍黃圖

施函

斲木爲笥因其自然虛中以受物貯水釀酒皆

用之視束鐵編篋攢木片爲器者天質爲勝

誰云瓠落不中材虛受天然器量恢泉貯雲漿消舊
渴春斲石凍醲新醅早啜膠金催人去何用脩筒引
水來可供餅疊謝梁棟孰非造物善栽培

拉哈

土壁堵間綴麻草下垂緣以施圻墁此國初過
澗芮鞫間故俗也

乘屋居閒事索綯經營婦子共勤勞禦寒塞向諸凡

豫施塲編麻要取牢出氣天窗柱左右通烟土銜炕
周遭室家函館風猶在慚愧宮庭雉尾高

霞棚

蓬梗爲幹搏穀稊和膏傳之以代燭燃之青光
熒熒烟結如雲俗呼稊燈

蓬梗稊粃膏傳塗茅檐夜作每相需績麻乍可呼燈
婢耽奕非關誚燭奴最愛燄輝一室朗那辭烟染滿
窗烏葛燈籠是田家物勤儉遺風與古符

谿山

夏秋間擣敗苧楮絮入水漚

去聲

之成毳漚蘆簾

勻暴爲紙堅韌如革謂之谿山凡紙箋胥以是名之

擣苧漚麻亦號箋粘窗寫牘用猶便百番徒訝銀光薄萬杵還輕越竹堅但取供書何貴巧便稱鋪玉詎能賢高麗鏡面尋常有愛此淳廉舊制傳

羅舟

鹿蹄腕骨也舊俗以蹄腕骨隨手攤擲爲戲視其偃仰橫側爲勝負小者以麀大者以鹿瑩澤如玉兒童婦女圍坐擲以相樂以薄圓石擊之則曰帕格

投石軍中以戲稱手彈腕骨俗相仍得全四色方愉快何必三梟始絕勝闈秀爭能守爐火兒童較遠驟寒冰

又有較遠之戲趨冰上以中爲勝名曰撒罕

無端勝負紛憂喜麀鹿

那知有許能

周斐

樺木之用在皮厚者盈寸取以爲室上覆爲瓦
旁爲牆壁戶牖體輕而工省逐獸而頻移山中
所產不可勝用也

巢處遺風藉樺皮上簷側壁總堪爲端誇不漏還勝
瓦豈慮頻遷等奕砮甕牖繩樞猶未備夏涼冬暖且
相宜五侯第宅皇州遍芮鞠先型爾尙知

恭謁

永陵

四祖分

陵塋壝同

鴻禧景佑奠岐豐制因漢氏修園寢

尊擬周家號古公念結拜瞻千里外派綿繼續萬年
中曰承曰啟均予責惟敬惟勤勵此衷

恭謁

福陵

天柱隆崇萬載亭

陵山名
天柱山

福貽奕葉藉威靈風雲儼若通

神綽龍虎常如護

帝扃黍稷一時陳俎豆瞻依十載易霜星敬觀

實錄思開創每悉

艱難淚雨零

恭謁

昭陵

丕顯

丕承王業昭肇基

景命大清朝那同鼎足分三國可擬

戎衣定一朝兩白常趨石馬汗萬青永護玉峯標元
孫五世親陳奠優愾

聲容未覺遙

御崇政殿

重臨慶善仰

徽興黼座維皇

祖所憑來賀西鷄復東鰈敢忘夕業更朝兢

君臣一德思前篤禮樂百年踵後增卜世繁禧綿億
載大紅海旭正初昇

故宮侍

皇太后宴

金風皎日麗仙屏樂奏雲韶鳳下聽興慶重來溯

締構大安到處奉

慈寧雲呈東海迎黿駕祥擁西池介鶴齡敬頌

徽音識心所曰欽繩繼守

先型

恭奉

皇太后迴鑾述事

上塞吉林取道便

明禪劫迹展心虔山川往復五千里甲子周迴十二

年

自癸亥東巡恭謁

陵距今年甲戌正周一紀

三武帳常承

寢門豫都人喜迓蹕鑾旋鄴宮悉得

開基蹟守業惟勤勵體乾

賜宴輝特親王阿睦爾撒納等詩以紀事

黃幄高張宴析支懷音內面後先隨敷文底事稱于
羽施惠何難與解推疆場都欣効奔走衣冠已覺習
威儀晚來燈景還教預恰值氷輪正滿時

是日仲冬之望

恭謁

景陵敬成長句

有序

皇祖陟遐於今三十餘載每謁

景陵追遡

音容不勝感痛今歲適有西師之役蓋準夷自

皇祖時恃其險遠鴟張絕漠比遭篡奪部衆分奔內

屬者襁至踵接因命帥師徂定仰藉

鴻庥敬成

夙志祇申默禱紀以長言

比歲來瞻匪事頻吾衷有願此虔申

昔容曰遠仍如昔松柏雲森又報春伊古

一人信巍蕩大清九寓盡臣民西師欲戡

當年志還冀

鴻庥奠漠垠

恭謁

秦陵

有序

準嚆爾自

皇祖時策妄阿拉布坦恃遠跳梁卽以命將致討我

皇考欲繼

前志議以兩路進剿適值噶爾丹策凌方肆鴟張未
及翦盪旋即罷師踐祚以來亦惟置之度外羈
縻而已比者達瓦齊篡奪頻仍諸部瓦解名王
部落接踵內屬機不可失義有必伸爰命大臣
統新附之衆益以八旗良騎分路致討冀以仰
成

皇考未竟之緒祇謁

山陵祈垂

默佑云

橋山儀樹鬱蔥然

憑几悲深忽廿年承

昔懷柔綏月竈逮今歸順接祔連乘時欲事日中爨
命將因寧漠外邊

先志敬成何敢必尚希

景佑奏功過

屢聞西師所指降歸者衆七字成詩一篇示志

救寧西極用偏軍

天與人歸敬受欣每至夜分遙檄問所希日繼喜音

聞有征已是無交戰率附常稱不變芸

噶爾藏多爾濟等率屬來

歸僉云大兵過時我屬人等仍照常耕種誠心向化

籌畫

兩朝光烈在觀揚惟謹敢云云

西師底定伊犁捷音至詩以述事

乘時命將定條枝

天佑人歸捷報馳無戰有征安絕域壺漿篋食迎

去聲

王師

兩朝締構敢云繼百世寧綬有所思好雨優霑土宇
拓敬心那爲慰心移

平定準噶爾告祭

太廟述事

告成蠲

祀異嘗蒸

太室薰風瑞靄凝
梗化昔延六十載
懷恩今挈百千朋
伊犁遠阻奚堪恃

列祖威靈實式憑
久計永安方厯念
敢因歲事忘兢兢

平定準噶爾功成恭上

皇太后徽號御殿受賀詩以言志

從來西北不庭方
戡亂聊攜數月糧
何必先驅張撻

戎早知載道迎去聲壺漿遐荒底定千秋晏

徽號欣承愛日慶豈不慰思寧卽慰訓垂文子懼方
長

恭奉

皇太后幸塞外啟程之作有序

西戎底定素節方臨將宴凱旋之師亦賜新歸
以爵載塗者有需時日乘暇而先舉獮蒐覲謁
便以木蘭燕衍仍於山館匪效上林之爲周陟

繁重爰示我朝之度振古如斯用誌言懷無非
事者

曠日金風發蹕旌武成愷樂愜輿情分茅有待均頒
惠橐矢方將大會盟萬里伊犁朝北極三秋多稼閱
西成

安輿可識增忻豫

福壽駢臻算介癯

熱河啟蹕幸木蘭之作

數日山莊慶典循木蘭時屆鹿牲牲囊韃早候一千
騎村落都看三百困向北添衣涼益峭自西馳廣喜
猶頻今年秋獮增佳話日有條枝執豹人

諸宰桑有命爲侍衛

供役者

駐蹕興安綽羅斯台吉噶爾藏多爾濟等來謁

詩以紀事

定遠非勞一矢加仰流鱗集不辭遐烏孫歸去新蒙
號饒得頻來共拜嘉開宴旋當賚黼黻扈圍先此賜

駟駟朝家獮狩應教預慢擬長楊事大誇

宴噶爾藏多爾濟等卽席得句

風清日朗好秋時嘉會新藩式燕儀衆建一如札薩

克悉臣今逮綽羅斯露瀼畢令露三爵月上仍教閱

九枝

是夕陳烟
火賜觀

詎我懷柔能致遠

神堯威惠萬年垂

定北將軍班第遣人解達瓦齊至御午門受俘

駕瓦續紛積瑞銀受俘軍禮舉重新丹墀羣辟齊肩

待白組名王繫頸陳

天德好生還貸死海濱多蹇又逢屯刑曹憲典聊遲
待指日歐刀割叛臣

千尺雪

新年行樂小蓬瀛泉石天然愛淑清院名水閣向稱千

尺雪春朝喜值六花霽迷離上下噴珠玉應答瑋琮
奏管笙遲却寒山素梅約長官防誤恤民情

惇敘堂

淳敘名堂始自予每來欲去且徐徐齊家治國從來
重木本水源未可踈瓊壁聯吟七字在錦筵回首十
年餘會當歲美還幾暇行葦和歡更繼初

恭謁

泰陵

載戢干戈弓矢爨春風露布捷旗高徂求遂得元兇
繫耆定端惟

聖澤叨保大今猶籌撫恤詰戎昔尚憶

勤勞戴功成

志違云幸戒滿持盈勵自操

南苑行宮疊舊作韻

有序

孔林告祭禮成旋蹕展謁

孝陵

景陵由趙北口取道而東經臨南苑遷次逾宿循覽
舊題感時觸緒輒仍原韻用述近懷

離宮信宿重關情綈几芸編觸目清詎料鹿蠡仍計

詐尚教頡利待擒生驅除已奏伊犁定旋轉終歸絕
域平

謨烈在天祈默佑

橋山東望薊雲橫

題輿地圖

括地多年仰

聖猷覈真今復逮渠搜閱誇詎類叅軍註阮塞應同

主吏收益切覲光周誥凜匪關鑿空

去聲

漢臣求宇安

歲美吾恒願望蜀寧當意更留

宴土爾扈特使臣

烏孫別種限羅義假道崎嶇歲月賒天闕不辭欽獻

黃雪山何礙許熬茶

蒙古以詣西藏熬茶為要務故並許之

覆幬誰可

殊圓蓋中外由來本一家彼以誠輸以誠惠無心蜀
望更勤遐

萬樹園賜都爾伯特親王伯什阿噶什及土爾

扈特來使觀燈

麟集來王有後先堅昆馳使又踪連衢樽錫宴前朝
洽寶炬裝燈午夜妍銀燕火蛾紛樹下驚麋駭鹿避
崖巔侈觀詎爲誇遐屬習爽光明示別權

漢昭烈廟

春秋氏族著承堯嗣服中山陟派昭鼎一足三成帝
業牛黃腹白應童謠欲信大義心資亮還定全秦志
類蕭千載樓桑尚遺恨其如安樂自逍遙

草色

草色南來日見添，綠含生意入輿幘。
平平鋪毯烟低縷，灩灩擎珠露在尖。
隄外每教遲白舫，陌頭還看暎青帘。
當春細物均知樂，嗟我災民未引恬。

山塘策馬

山塘策馬攬山歸，淡蕩韶春鞭漫揮。
烘受朝晴花蕊綻，潤含夜雨麥苗肥。
日遊日豫所無逸，樂水樂山亦靜機。
吏喜吳民還易教，重來歌舞較前稀。

入浙江境

輕舟曉日別吳門川路溪烟漾晏溫柳葉青籠雞犬
社菜花黃入苧蘿村分疆頗覺民風異轉壑都關吾
意存恩沛寧無需再沛疇咨大吏悉心論

觀錢陳羣書趙孟頫耕織圖詩屏題句

侍臣歸老此居停烟雨樓中書素屏悉我重耕還重
織豈其如畫竟如銘深惟衣食求民瘼詎止湖山悅
性靈無逸爾知曾染翰

勤政殿屏間無逸
篇朕所手書也

喜茲金鏡

效張齡

駐蹕江寧作

龍蟠虎踞古神區，展義觀民六轡紆。
詎彼迤南山水，境曰茲鑒夏帝王。
都春前耕植羣，猶力災後鄧闔氣。
幸蘇解澤有何遍，黎庶憐他愛戴不謀俱。

閱兵

建業闢牙駐禁軍

當年深意守惟勤，安時要不忘危日。
詰武寧當視具，文八色旗分光耀。
旭千行士厲氣凌雲方，行禹跡無

非事

大烈欽承勗紹聞

青溪覽古

東渠猶自紀吳開
白芷青蒲出水纔
江總宅惟名獨在
鄒施詩待客重來
綺樓烟月多寥寂
畫舫春波小溯洄
六代風流何足貴
歌家母語政詮該

題釣魚臺

下鄉寄食缺晨炊
旦旦淮陰理釣絲
漂母何曾期報

重滕公幸得悅言竒擬身豈是過

去聲

人量

用蘇軾留侯論意

出跨寧殊進履時長笑泰山墩尚在萬家可置竟奚
爲

遊雲龍山作

彭城駐輦塵河防咫尺雲龍戲馬旁本意原非是山

水偷閒聊復訪蘇

軾

張

大驥

翠峯夏首關林葉綠野風

清泛麥芒底事今來艱迴句爲民籌濟爲民傷

詣

闕里瞻拜

去歲躬親奠

素王迴程重謁

廟堂皇誰知獻馘翻成僞遂致餘氛更構殃豈礙告
成斯定局曰惟聲罪不庭方

祖功

聖德胥垂佑在泮行歌載戢章

十八盤

猶記昔登十八盤坦途高架丈餘寬曾因過費飭方
伯率爲趨平奉

大安今度揮鞭吟馬上不教做棧闢雲端石梯拾級
千層迴却喜堯峯本色看

哈薩克稱臣內屬遣使進貢詩以紀事

有序

哈薩克卽大宛也從古不通中國雖漢武勞師
動衆僅得其馬猶且動色頌功斯何稱焉去歲
我師因追叛寇阿睦爾撒納直入其境哈薩克

撒帳驅畜遁去數千里朕以絕域駐師非計也
命撒師哈薩克悔其爲阿睦爾撒納所賣謀擒
之以獻而奸賊復自哈薩克逃迴準噶爾乘噶
爾藏多爾濟巴雅爾等之亂鴟張嘯聚今春我
師重入伊犁問罪則噶爾藏多爾濟已被其姪
札努噶爾卜所害而札努噶爾卜又爲阿睦爾
撒納所襲僅以身免我叅贊大臣富德率師窮
追阿睦爾撒納巴雅爾適與哈薩克師遇哈薩

克不敢犯我師顏其汗阿布資隨遣使稱臣入
覲今巴雅爾已獲阿睦爾撒納亦不日成擒卽
或竄入哈薩克而哈薩克亦約縛之以獻喜銷
兵之有日爰點翰以成辭

采入伊犁靖陸梁鯨鱗懲逆武維揚已看頡利成生
虜又報洛邗歸職方致馬本非如武帝閉關未得學
蕭王更欣願縛渠魁獻載戢干戈日月光

哈薩克使臣至今隨圖獵並成是什

伊古從來化外蠲閭關馳使遠朝天不知中土歲月
日乃隔長安萬二千塞外便教預獵喜山莊旋與錫
恩駢卽今行國多天馬附會誰窮太史編

九月十五日賜哈薩克使臣觀燈火

九瀛一合貴山朝火樹依前絳蠟燒可識仙莊原月
字只疑鹽澤接星橋霜林葉落還裝葉霞嶠標藏重

十五

建標惠遠行時詎尋樂謾稱預節賞元宵

大西門樓前較射疊舊作韻

有序

戊辰九月較射於此發二十矢中十有九詞臣
齊召南以七律四首進呈因用其韻勒之壁間
次年己巳孟夏

皇太后御樓觀射是日十中其九破的者三仍用韻
紀事項秋獮迴蹕九月廿有三日間

安之次引見樓下復命射屢中後懸的最小者亦再
破的適哈薩克使臣列觀班末三疊前韻紀之

朔塞迴鑾攜貴山扈隨經月六龍間視朝許厠干官

未駐苑聊乘數日閒問

寢敬趨

慈壽閣亮工敷對鷺鶴班疇咨已罷餘清暇較射令

平聲
觀駢角彎

漏言誰者犯無當跳兔爰爰脫大黃愧我猶然失前
箸示伊空自擅穿楊銷兵惟厘肆時夏懷遠應教觀
國光和議羅又素應守待期縛送致封狼

南服災傷重洛嵩慚稱饑溺已躬同盱宵惟亟籌衣

食支屈何能適矢弓荒服却因至鷓鴣羽林況復恃
羆熊聯情示度聊親御連中休誇此素工

罷射平蕪一顰鞭山光萬壽正迎前飛樓隱入丹霞
嶠畫檝衝開碧水天菊放恰疑金布地稻收喜看種
遺田陪臣攜賞非誇富惇史傳將自此年

俄羅斯驛致叛賊阿睦爾撒納死屍信至詩以
紀事 有序

去歲因阿睦爾撒納由哈薩克竄入俄羅斯境

內執言索取爾時浮議或慮致啟邊釁然俄羅斯以逆賊素稱兇狡留之以資其力未卽縛送此更不可不力索矣因命典屬嚴辭疊促茲以逆賊患瘡身斃俄羅斯遂傳送其屍修詞遣使以祈永睦蓋彼有大圖則不屑守和約而奇貨旣亡則毋寧遵舊盟此事理之易見者設使不向取則並此亦不俘獻矣從此俄羅斯之和好益固準噶爾餘孽攜貳自消而爲庸懦姑息之

浮言者當自知愧赧撫茲事蹟畧志頗未旣以
杼因時斷制之懷且用昭示來茲俾知息事因
循實不足與語詰戎固圍之道也

聯豫善走更工藏蘇對潛逃又北荒詎識羅叉和約
因獻來萬里逆屍殪功如彭寵遼東豕心是溫禹天
外狼遺孽廓清永砥屬持盈益勵敬皇皇

早嫌牛腹與鳶肩密旨丁寧勅事先亂弭安能待訛
訛禍成因未塞涓涓由來一勇士之力何致惟姑息

以延荒服遵盟歌保定藁街寧道首明懸

仁育宮頌言疊舊作岱廟詩韻

有序

玉泉山西擇爽塏地建

東嶽天齊廟而名之曰仁育宮天齊之稱見於史
記東嶽岱宗則虞帝之所柴望也今祠宇遍天
下明靈揚翊理大物博豈非以仁育萬彙不崇
朝而雨天下語曰泰山不讓土壤固無往而弗
格也既爲碑記以落廟成茲經過展禮輒依舊

作岱廟韻以成頌言

出震尊爲五嶽宗配藜布濩豈拘封一拳卽是扶桑
石五鬣寧殊漢代松瑞氣氤氳籠玉殿蒼靈肅穆仰
金容雲行雨施崇朝遍常願休徵佑九農

巡狩寧當歲屢行

崇祠擇近致齋精天門東望一誠格陽德中齊萬物
亨秩長羣神孰可匹功先六子獨稱兄

錫禧雖每叨鴻貺惟勵欽承察旦明

詣黑龍潭祈雨

麥收三月語虛談祈

澤仍茲叩碧潭每到有求

神亦倦

用蘇東坡語

惟誠斯格我猶慚民依自昔相爲重

天寵由來未敢貪切切陳衷引領望密雲嘉霽

蒲恩覃

鷺子

天鷺本野禽畜園囿者伏卵得雛爲艱致今春

乃育六雛淋滲初生羽老鷺引入池銜水藻飼
之倦則負之背以行竭爾憑觀輒題以句

天鷺引子下晴灘孚翼何辭力畢殫爭赴稻梁嫌益
窄恐傷毛羽著籠寬繆襪逸態宜詩詠顧復真情入
畫難怪底會稽王內史蘭亭終日倚欄看

布魯特稱臣內屬遣使詣闕詩以紀事

有序

布魯特爲回部別族素與中國聲教不通比因
逆狃小和卓木背恩反覆戕我使臣既命將往

征屢戰大捷而將軍兆惠亦以搜捕伊犁賊黨
旋師會勦道經布魯特界其酋長圖魯起拜等
遮道呼籲自陳向爲厄魯特所阻自外王化今
西域蕩平所部人衆皆願輸誠內屬並各遣其
大首領馳驛赴闕納款念此遐方殊域固未脅
以兵威亦非馭以智術望風歸附情詞諄懇已
允將軍等所請許其攜從入覲而并誌其緣起
如此

撻伐原因討逆猶仰流詎意遠人徠舊傳勃律兩王
據卽見堅昆一面摧厚往薄來風早樹東鷄西鰈道
方開不招不拒敷吾惠王會何妨達九垓

幻花八詠用張鵬翀韻

有序

空寧有色誰教佛座拈來幻豈非真漫倩封旛
護取顧造物原從無物而寓言肯滯名言是以
白藏霜鋪層層碧擷薌林雨灑翦翦紅酣以至
風漪浪縠之騰文燈暈酒湖之散綺筆曾入夢

丹黃匪色相所呈心最通神杼軸自襟懷而出
凡此清機並引何關結習難忘縱煉火成芽已
埽殷仙頑艷矧沾泥比絮尤懲謝客浮華維侍
臣舊樣曾描八篇無妨製錦卽藝苑新裁可就
一疊聊藉書屏

霜花

灼灼裳裳玉有光盤鴉難上內人妝已看傍曉花如
幻欲笑迴空蜂枉忙青女女夷俱耐冷釋迦迦舍不

關香色空一合歸無迹底似凡英落自傷

雨花

烟片紛敷珠點微真香無嗅有芬菲最宜潤景當簾
織却異殘春作陣飛何必指揮觀色相漫緣開謝悟
因依道場恰是維摩室不著文殊自在歸

風花

宋玉蘭臺品藻臺雄雌辨後探花回迷漫解使千峯
暗荏苒何曾鎮日開五里張公稱意作旬餘列子滿

身來陸游詩本不經讀欲笑南華未是才

按陸游詩注風欲作

則大霧充塞謂之風花是風花本有其物鵬翮詩俱謂流風落花合而爲一與餘幻花不倫矣故戲及之

浪花

轉蕙光風曲岸濱文章水面散紛縕詎關春信番番報奚事羣芳色色分戩藻游魚如隱葉掠波輕燕訝蒸雲淨真不染嫵媚氣漫擬宜圖六幅裘

燈花

速勝韓湘頃刻誇奇着火裏自開花欲嗤陳氏裁文

綺似擬王公籠碧紗
莖吐玉蟲蠕綴細蛾
疑粉蝶撲飛斜設
云報喜事誠有便盼
紅旗一片霞

酒花

金樽蕩漾坐花時

見李羣
正詩

潏灑中含淳叔
交紅綠都

教香是國東西總
以玉爲肌春非他
也芳常住時復
中之趣自知何必
生平不言酒魯共
公論早曾披

筆花

垂露非秋自蔚霞
管城無處不生花
寧關木本寧草

本抑是江家抑馬家意藥心苗常護養雲勾月抹任
橫斜雕章五色誰應伴紫殿還聞設九華

心花

四句金剛稱六如是花非密亦非疎有如時雨沃之
後更在三春開以初潤玉輝珠寧貴艷課無責有不
隣虛夢華竭和詞臣韻憶舊翻因偶不舒

布魯特使臣至宴賜卽席得句

七戎舜教遠難稽布露通唐付狄鞮部昔兩王稱大

小人今一派別東西新恩恰值伊綿峪舊識兼逢達
瓦齊勤遠拓邊稟古戒捧盈恭已奉

天禔

右部哈薩克歸化遣使朝貢詩以紀事

有序

右部哈薩克其汗曰阿比里斯與塔什罕城回
人等接壤襟居地廣人稠不下左部阿布賚所
屬向爲厄魯特間阻未通聲教今年秋叅贊大
臣都統富德追捕準夷餘孽哈薩克錫拉兵至

其地會塔什罕與右部哈薩克構鬪互擊因遣
侍衛蒙固爾岱等宣諭威德哈薩克叩首輸誠
卽日遣使朝貢而回目莫爾多薩木什和卓亦
悔悟息爭並令頭目同時入覲念兵非得已而
所至如歸披閱郵函輒臚其緣起如此

偏師西海剿逋逃取便恩宣雜種曹豈謂解紛更釋
難匪微目宿與葡萄情歆左部榮同被德慚

去聲兩階

會偶遭厚往薄來九經式持盈保泰一心操

烏什城酋長霍集斯伯克攜回衆獻城降詩以
紀事

執渠早是被恩榮畏逼遷隨尚近情識順料伊將倒
戟翦凶匪我願佳兵申明昧雉霜嚴令疊見牽羊肉
袒迎

天佑人歸逮底績越因兢業凜虧盈